

tem projiceret, fumo interini & foetore omni penitus ex-
cluso.

VIII. Essent & alia inter hæc miscellanea fusiùs com-
memoranda, quæ sub conspectum Auditorum nostrorum
adduximus, & paucis tantùm hîc attingemus. Primum
erat Microscopii simplicioris forma commodior num. 4.
Fig. 46. expressa, cujus crus alterum BC circa axiculum B
instar circini mobile extremâ cuspide C objectum inspicien-
dum excipere & lenticulæ A admovere, quantum opus,
commodissimè poterat: quâ occasione de microscopiis Le-
vvenhoockianis recentissimis plura dicta sunt, insimulque
ostensum, quo pacto vitri contusi minutia aciculæ madefa-
ctæ adhærentes & flammæ lampadis ardentis illatæ lique-
scant, & mox in aërem frigidiusculum protractæ in globulos
minutissimos ultrò convertantur, aëris sc. undique massu-
lam liquefactam & æqualiter quidem comprimētis inter-
ventu. Secundum locum occupabant diversa tentamina
ope telescopii scripturas grandiores (quarum literæ altitudi-
ne suâ dimidium aut integrum pedem exæquabant, & nigræ
supra album, vel albæ supra nigrum scriptæ fuerant) ex inter-
vallo mille pluriumque passuum, imò ex intercapedine ædes
nostras in Collegio Altorfino & acclivia vicini pagi Hagen-
husæ interjectâ, dimidii ferè milliariis germanici, vel pusillas
& ordinarias ex distantia 20. 30. passuum & ampliùs legen-
di; parvulas item res aliàs cominus positas valdè magnas
videndi, & hoc pacto telescopium in microscopium con-
vertendi &c. Accedebat denique dioptricum quoddam
artificium, quod oculo nudo in tabula picta diversa exhibe-
bat emblemata humanarum rerum fragilitatem & vanita-
tem exprimentia, in medio tabulæ verò inscriptionem hanc,
HOMO RESPICE FINEM, flosculorum variorum
picto ferto circumseptam; oculo verò per tubulum vitro
polyedro instructum ac certo loco positum eandem tabu-
lam intuenti, earum picturarum omnium loco, calvariam
huma-